

*Scindite corda vestra, et non vestimenta vestra.*

Léctio libri Ioélis prophétæ

2, 12-18

- <sup>12</sup> **N**unc dicit Dóminus:  
«Convertímini ad me in toto corde vestro,  
in ieiúnio et in fletu et in planctu;  
<sup>13</sup> et scíndite corda vestra et non vestiménta vestra,  
et convertímini ad Dóminum Deum vestrum,  
quia benígnus et miséricors est,  
pátiens et multæ misericórdiæ  
et placábilis super malítia».
- <sup>14</sup> Quis scit, si convertátur et ignóscat  
et relínquat post se benedictiónem,  
oblaciónem et libatióem  
Dómino Deo vestro?
- <sup>15</sup> Cánite tuba in Sion,  
sanctificáte ieiúnum, vocáte cœtum;  
congregáte pópulum, sanctificáte convéntum,  
coadunáte senes,  
<sup>16</sup> congregáte párvulos et sugéntes úbera,  
egrediátur sponsus de cubíli suo,  
et sponsa de thálamo suo.
- <sup>17</sup> Inter vestibulum et altáre plorent  
sacerdótes minístri Dómini  
et dicant:  
«Parce, Dómine, pópulo tuo  
et ne des hereditátem tuam in oppróbrium,  
ut dominéntur eis natiónes».
- Quare dicent in pópulis:  
«Ubi est Deus eórum»?
- <sup>18</sup> Zelátus est Dóminus terram suam  
et pepércit pópulo suo.

Verbum Dómini.